



Algemene inligting

BENODIGHEDE

Die volgende vereistes geld oor die algemeen vir alle ingeskrewe kinders:

1. Kinders moet beskik oor 'n **rugsakkie** wat **duidelik gemerk** is.
2. Elke kind moet sy/haar eie, **duidelik gemerkte** en **digsluitende kosblik** en **koeldrankbottel (suigbottel)** hê.
3. 'n Ekstra stel **duidelik gemerkte speelklere** moet in 'n **plastieksakkie** saam met u kind besorg word. Speelklere **moet vervang word na gebruik** en sodra "potty-training" begin, word meer as een stel ekstra speelklere vriendelik versoek.
4. 'n **Matrassie, laken** (standaard-kotgrootte) en **kombersie** is noodsaaklik vir kleuters wat die sentrum voldag bywoon - voorgeskrewe matrassies (1200mm x 550mm) is beskikbaar op bestelling by die kantoor en bly u eiendom. Beddegoed sal **weekliks** (Vrydae) aan ouers terugbesorg word om **gewas** te word.
5. Kleredrag moet **gemaklik** wees en moet kan **vuil word** – aktiwiteite sluit in verf en kleispeel en kleuters speel soms buite in die sand. In die winterseisoen kan kleuters waterstewels dra en 'n ekstra paar skoene saambring. **Alle kledingstukke moet duidelik gemerk wees.**
6. **Ouers moet self verantwoordelikheid neem om te verseker dat alle persoonlike items van kleuters (klere, haarknippies of -bande, brille ens.) elke dag in hul rugsakkies is voordat hulle die sentrum verlaat.**
7. Indien items of kledingstukke in u kleuter se tas beland wat nie aan hom/haar behoort nie, bring dit asseblief stiptelik die volgende dag terug na die sentrum.

SPEELGOED

1. Ontmoedig u kind om persoonlike speelgoed en ander gunsteling besittings na die sentrum te bring om te verhoed dat sulke items dalk verlore raak. Uitsonderings kan gemaak word met inagneming van die kind se emosionele behoeftes.
2. Indien u kind per ongeluk van die sentrum se speelgoed of ander items huis toe neem, kan sulke items bloot die volgende dag aan die sentrum terugbesorg word.

VERJAARSDAE

1. Eenmaal per maand word 'n gesamentlike klaspartytjie gehou vir alle kleuters wat in die bepaalde maand verjaar.
2. Ouers van die betrokke kleuters reël onderling met mekaar oor die verskaffing van bv. kolwyntjies of ander lekkernye wat tydens verjaardagvieringe geniet kan word.
3. 'n Geskikte datum vir die verjaardagvieringe moet vroegtydig met die betrokke juffrou vasgemaak word.

4. In die verjaardagmaand van 'n kleuter skenk hy/sy een leesboekie aan die JA-biblioteek en op sy/haar verjaardag mag die kleuter 'n gunstelingspeelding of ander item saamneem klas toe om vir die res van die klas daarvan te vertel.
5. 'n Verjaardag is 'n baie spesiale geleentheid en verskaf groot opwinding by die sentrum!

SIEKTES

Ouers moet asseblief hulself vergewis van die gesondheidsbeleid.

OUERBETROKKENHEID

Die sentrum het 'n JA-ouerkomitee wat gedurende die jaar projekte aanpak wat fokus op gesellige samesyn, fondsinsamelings en inligting oor onderwerpe rakende ouers en kinders. U betrokkenheid hierby word hoog op prys gestel.

KONSERT, OPTREDE EN WYDINGSDIENS VIR DIE PERSONEEL

1. Stellenbosch Sentraal gemeente hou aan die begin van die jaar 'n wydingsdiens vir Junior Akademie se ouers en personeel.
2. Junior Akademie se kinders tree eenmaal per jaar op 'n Sondag in die kerk op.
3. Die einde van die jaar word daar konsert gehou vir twee aande.